

النص المسرحي

الأنكشافية

للمؤلف

أحمد أبو سمرة

المقدمة

قد أستباحوكي فمزقوا عمرك و أنهكوا بدنك يا مهجة
 القلب ويا حبات عيني
 وأوجعوكي فتوجعت و كل الصامتين المجاهدين
 للأنكشارية و لعلني عندما أبوح بألمي أكون قد
 تنفست أو زفرت بعضا من ألمك و من ألمي

أحمد أبو سمرة

سقارة في ٢١/٣/٢٠٠٦

الثلاثاء

مدخل

لو كنت قطعتك من لحمي و فخت عنيك
 لأ مش ممكن كنت تحس أصل اللى زيك مخلوقين من
 غير مشاعر عاشقين للضلمه
 و بيقدروا يشبوا تانى ع الكتاف و أنت م الجنس
 المخلوق على دمي و دمها بتشربه يوماتي
 لما بترفع فى الكرباج على ظهري المعجون بأديها
 و مسلط كل عبيدك الأنكشارية تسحل فيا و فيها و فينا
 زرع الخوف طلع عفاريت مش ممكن هتخاف من طلقة

أحمد أبو سمرة

سقارة فى ٢١/٣/٢٠٠٦

الثلاثاء

(يبدأ العرض برجل يقف فى منتصف دائرة خالية من أى شئ و هو يغنى)

رجل ١ (يغنى) الأولى للنبي عشقى و عشق الناس ، الثانية نيلي قنديل فى ليل و ناس
والثالثة مكسبى حبك يا غالية اساس ، والرابعة قومى إندهى بالصدق و الأحساس
الخامسة سندسى خضر مواويلى ، السادسة قوم بقى قيد لى شموع ليلي السابعة
أبدرى فى الشمع يمشى الخوف و عيونى بكره تشوف ، طول ما العرق نازل ، طول
ما اللسان قوال و الكل بيقترب و يشب فيا سؤال الضى رايح فين ، الضى رايح فين
(تدخل فتاة)

الفتاه يا عم يا عم

رجل (يتوقف عن الغناء) فى أيه يا حُرمة ؟

شاب ١ (ينادى) أنت يا عمنا أنت يا عمنا مالك فيه أيه ؟

رجل ١ أنت السلطان

شاب ١ لا مش سلطان

فتاة ١ أنت الوالى أيوه صحيح أنت الوالى

رجل ١ أيوه الوالى شكله الوالى ، ويلي يا ويلي رايح على فين

(تدخل مجموعة الشباب و الفتيات و هم يغنون)

غناء عم الوالى تعالى قبالى اسمع منى إيه اللى جرالى

عم الوالى يا سيدنا الوالى شوف و إنصفها يا سيدنا الوالى

الشاب ١ (يرتدى الشاب الحرمل و التاج و يقف فى منتصف الدائرة) بعد الصلاة ع الزين نبداً نقول

يا كرام ، و حسب العرف السائد فى بلاد الطرخان و الطرشان و الزن ع الودان ، الوالى
والى

المجموعة والى

الشاب ١ و العالى عالى

المجموعة عالى

رجل ١ (يدخل الى خلفه) و الزمان غير الزمان

فتاة (تدخل خلفه مرده) مان

رجل ١ فى اليوم الأسود ذاته

المجموعة ذاته

رجل ١ كان واحد زى أخينا

الفتاة ٢ خينا

رجل ١ فى الضلمه مسك رقابينا

فتاة ١ بينا

رجل ١	كان قاعد عند حماتو
المجموعة	ماتو
رجل ١	طلعت له الست بحور
المجموعة	حور حور
فتاه ١	غندور مغرور و أخذع النفس الساكت
فتاه ٢	و تغور يا راسم للنكد سكه (تدخل أمراه خلف فتاه ٢ تمثل حالة تشخيص)
أمراه	فرط الرمان يا فرط الرمان
السلطان	أنتى اللى طول عمرك بمزيكا و معطله الضحكة على السيكا حكمتى ع الغريب بحكم
	كتبتى ع الولد محكوم ما تردى يا فرط الرمان
فرط الرمان	محروقة يا فرط الرمان عملت ايه فرط الرمان
المجموعة	عشنا معاها حكاية خيال وليالى بتصرخ و مشانق مليانة رقاب
السلطان	طول عمر الغالب يحكمها يعشقها و يعشق أوجاعها و الخونة فى دروبها كتير خنازير
المجموعة	خنازير
السلطان	رغم خيرى علقونى على باب زويله
فتاة ٣	و من السحاب بنجر فى الوجع اللى باقى ليه شراقى
المجموعة	ليه شراقى و باب بيقل ألف باب
شاب ٢	من عند هذا الباشا سليم (يشير الى شاب يؤدى دور سليم)
سليم الاول	المجد للتركمان
المجموعة	المجد للتركمان
سليم الاول	من ملوك تقدر على رمى الرماح وأدين بتمسك فى السلاح ، لملوك مصابة بالكساح
شاب ٢	لأ : قول مشايخ دايرين على قد النسا
فتاة ٤	وسناجق البوظة الحشيش
المجموعة	وسناجق البوظة الحشيش
شاب ٣	والحلو بنت كويسة ومفلسة
فتاة ٤	والثانية حرمة معنسة ، فى قلب التابوت
سليم الاول	يا صبر ايوب ع العرب بيايدوا الصفوى اللئيم ، ويحاربوا جند البرتغال ، ممالك ممالك
	والعيال بيها مغرمين غلمان فوارس ع الحريم ... انا بس واخد ع الجمال والعرش
	مخلوق ليا بس ... انا خليفه المسلمين
المجموعة	هو خليفة المسلمين
شاب ٤	وله نظام مفطوم عليه

- المجموعة وله نظام مفطوم عليه
فتاة ٥ والى وموالى وفى الخطب ندعيه طبعاً
- المجموعة (بأنكسار) والى وموالى وفى الخطب ندعيه دايماً
شاب ٥ او حتى ندعى عليه بس الرعية مؤدبه
- فتاة ٦ والست دايماً كهراً ترقص وتدفع مهرها
- رج ٢ وعساكر الباشا الكبير تمشى وتنهش عرضها
- شاب ٥ انكشارية يا عم الوالى ، قرب يا اسطى تعالى قبالى
- رجل ٢ عايزة ايه " يتم تشكيل طابور من الشباب يمثل العمال المهرة "
- شاب ٦ رايح فين ، واخذ دولا معاك على فين ؟!
- رجل ٢ ع الاستانه ... عيشه مهانه
- شاب ٧ هى مهانة طول ما ادينا يا ناس مغلوله
- المجموعة عرفت الفولة
- شاب ٧ الصبر عمره ما كان كرباج و علاجنا عمره ما كان تنكيت
- فتاة ٧ الضحكة لو مش حرة طليقة طالعة و بتقول الحقيقة تبقى السخام
- مجموعة تبقى السخام
- شاب ٨ الشمس بترم العظام وتشد حيل الميتين
- المجموعة (تغنى)
- مش لأجل تبقى مطرحك ، تقوم تزيف يا هو ،
الضحكة مش هتفرحك الا ما تبقى ليك دوا ،
و الدمعة مش هتطهرك ، الا بصدق اللى إنكوى
- فتاة ١ و أنت ع الأرض مرمى منكسر وحدك حزين
- شاب ناعسة باعت شعرها .. همام
- فتاة ٢ همام و طول عمره بيتحرش بها قادر على شنى العباد
- شاب بس أنت نور ، رامى فى ضيك قلب كل جدار
- فتاة ٣ و الجدار يفلق جدع ، بكره تجيبو حرقته يعمل بدع
- شاب ١ أما الجبان ست اللئيم
- فتاة ١ همام متربص بيكى و عارف إن الصبر حزام
- ناعسة مشدود على بدنى ، و الروح بتفارق منى معاك وياك لو حتى هتفضل دهر عليل .
- أيوب انا أبويا النيل ، علمنى فى طول الرحلة المرسى و المواويل
- المجموعة أياك راح تنسى

أيوب إزاي راح أنسى العلة الصابر بيها على المقسوم عمرها ما تخلي الزند هزيل أنا نيل و بتعشق
فيضي الارض أنا قلب مزوق بالأحاسيس

فتاة هتضيع منى حلم حوريس

المجموعة هتضيع حلم حوريس

أيوب أبلّيس .. طول عمرك تقتلنى و أنا وحدى القادر ع الغفران

شاب (يضحك) أوزوريس .. مكتوب على قلبك تتشرد و أقطع فيك و إزيس أتملك رقبتها وسط
الصرخات .

الفتاة " فتاة تصرخ و فتيات من حولها " أيوب راح فين ، أوزوريس متمزع ع السكة و الدم يفيض و
الأرض الشرقانة أنتفضت مش عايزة الحيض .

شاب أدهم قوم كسر زنازينك دا عرابي مراهن على زندك

المجموعة أدهم قوم كسر زنازينك دا عرابي مراهن على زندك

أدهم أنا لسة مصحصح فيا القلب و عاشق ضيك يا حبيب

فتاة ظلموك يا حبيب و أنا عارفه مقامك و الحاصل

أدهم شرقاوى و أصيل متأصل قالوا نسل لصوص

شاب راح فين عندك مستسلم ليه ؟ !

المجموعة راح فين عندك مستسلم ليه ؟ !

فتاة ليه سايب نفسك مستسلم جنازير ربطاك

أدهم ما هو نفس الخاين على بدنك واقف بيقطع ، و الأفطع أنك مكتومه ما فى صرخة بتطلع من
قلبك تحرق فى ولاد الأنكشارية .

المجموعة تحرق فى ولاد الإنكشارية

أدهم و تهد الحيط بينى و بينك ، أنا مش ممسوس أنا بس عايز تنصفيني ، و تقولى طينك من

طيني ليه العشق ذنوب ؟

فتاة صح .. و مكتوب تنقطع و أتمزع على الطرقات

شاب قطعوا من جسمك و كسوه بالدم

المجموعة حرقوا توبك بالنار الأنكشارية كتار الأنكشاية كتار

شاب مترنزين

المجموعة (خلفه) مترنزين

شاب أنت و أنا مين السجين ... مين السجين

المجموعة (تغني) مترنزين ، أنت و أنا مين السجين

مطرب

أضحك عياطك هزنى
وبنبض قلبك غزنى
يمكن نطلع ضحكتين
المجموعة

متزنزين ... متزنزين
انت وانا مين السجين
مطرب

خربش دماغك وانطلق
اشرب فى نارك واتحرق حتى بجاز
المجموعة

متزنزين متزنزين
ودوس بقدمك ع القفا
دغدغ فانوسى اللى انطفى
من غير قزاز
المجموعة

موت الف مرة
والف صرة تنعقد
شوف انت مين واحنا مين
متزنزين ... متزنزين
فتاة

اتفرج يا سلام ع الوجع يا سلام
شاب

اتفرج يا سلام اتفرج يا سلام
فتاة

من بطن قلب الوجع بنحكى يا كرام
المجموعة

من بطن قلب الوجع بنحكى يا كرام
فتاة

" حالة تشخيص " الولد
الشاب

صياد ، مركبى عمرى (يضحك) وساعات تكون قبرى ودروة خوف ع الشط والخلان
المجموعة

ع الشط والخلان

فتاة

زمان وكان كان يا ما كان

شاب

كان قلبى زى الحديد ، قطر القدر جرنى للرزق والاحباب

رجل

على فين يا صاحبى نويت

شاب

ع البحر والامواج مقداش يشق الليل

المجموعة

طول ما الدراع صاحى

الشاب

مجداف يجر الشباك

الرجل

والرزق صباحى

الشاب

قوم بينا لم الغزل وهات فلوكة الهنا وعدى بيناع الصراط

المجموعة

القلب دق وزا ط الحلوة اهى جاية

الشاب

هلنت روايح الهنا

الرجل

مين فى البلد زينا موعود كده بالخير

" تدخل فتاة وهى تمشى بدلال الى داخل ساحة التمثيل "

الشاب

يا ميت صلاة النبى

الفتاة

عواف عليك يا الجدع

الشاب

عواف على جبينك

الفتاة

البعد طال يا جدع

الشاب

يسلم محبينك وتسلمى م العدا ونظرة يا سيده يا مجمعه القلبين

الرجل

حقيقى حلوالهوى

الفتاة

لما ساعات ييجى سوا

واما تكون مرزوق

لا والله زوق والقمر منور القاعده

" يدخل رجل تركى ويتحول الجو الى قلق واضطراب

الرجل التركى

هات ولد حريمات

الشاب

ممنوع اغالوغلى ، الحريمات ديه بتاعتى عمرى يروح لاجل ما اصونها

الفتاة

ايوه انا ملكه وانت ماتلمس منى التوب

رجل

ولا يقدر بالخطوة يشب

المجموعة

هب يا فارس لم القلب وجمع زندك

التركى

انت تقدر علينا ولد اياك شاطر

الشاب

ايوه انا شاطر و فيه غيرى اشطر مهما تفكر انك حاكم احنا يالوغللى الملك بتاعها الورث بتاعها

المجموعة

احنا يالوغللى الملك بتاعها الورث الصافى

التركى

انت العبد وهى سبية ... اخذك عندى انت وهى

" يتقدم رجالان يجراها الى التركى "

الصلان

قومى يا وليه

الشاب

ابعد عنها انت وهو " يدفعهم عنها ويأخذها "

التركى

اسكت كلب

الشاب

كلب يلمك

الرجل

كلب دا اصلك

فتاة

بقى انا وليه .. الهى يولولوا عليك ساعة يا شيخ عمرى ماكنت سبية لحد

المجموعة

بس الوالى شد فى حبلك يا تخين يا بو كرش

الشاب

واحنا بنرفض نبقى عبيد لغير الله

شاب

وسع وسع وسع وسع

الفتاة

ارفع ايدك كلمة بتلسع

الرجل

الصرصور قرص الدبور

والديناصور بقى زى الضفدع

المجموعة

وسع وسع وسع وسع

الفتاة

شيكا بيكا ولا لا لا لا هـ

الشاب

والبرقع واهو قطعناه

المجموعة

اصرخ واعلا بقوله اه

الرجل

واللاه منك عايز اسمع

" تنقسم المجموعة الى قسمين الكثرة مع التركي والقله مع الشاب الذين يغنون فى انكسار بعد تغلب
التركى "

ما كانش عشمى ابقى ذليل

فينك يا مكرم يا امامنا

يوم طلعتك قيدنا القناديل

التركى قطع اوصالنا

تانى هنتغرق فى النيل

والشمس تهرب من دارنا

شاب

فيه حد سامع ، غير خطاوى معجونة بوجع

فتاة

طرق صوابك وخش فى المقعد وغيب

شاب

اه يا فتى اوعى تبات من غير عشا

فتاة

مكتوب عليك تنزف مع صرختك

رجل

تنزف على حسرتك نعملك برميل كبير او حتى زير يملوه ويسقوا العطاشا الشرقيين

فتاة

والحلم غرقان فى بير الساقية

شاب

والقواديس مش قادرة تجيبه

فتاة

ماتيل نرقص رقصتين ع المدبوحين

شاب

المسروقين

فتاة

ولا الف عايق يملكو حق الفقير " حالة تشخيص "

عايق

اخطف وكشر فى النبيان

عايق ٢

الضرس مطحون واللسان

عايق ٣

ناشف ، والعمر مرهون بالسكات

عايق ١

مين قال علينا للكبير ، ما تفهمونى مين خبص على كام عليقة للحمار قولوا انطقوا

عايق ٢

" يجمع فى مجموعة التمثيل " الفرق بينا وبين جنابك يا هو

عايق ٣

ان احنا بنخطف فى الرغيف نشده من طواحين هوا

عايق ١

وانتم مستنظرين احسان

رجل من الشعب

ولحد امتى الذل دا يا ولاد شاهين

انحاء من الشعب

دا ماكنش بطن الى احتوى واللى رواكم حبها

رجل

والعطف ع الاب الفقير (يتم الرجوع للحالة الاولى مع الشاب)

شاب

ايه باقى منك يا وطن غير ملتين ومرتبة وسقف مكشوف

فتاه

ايه باقى منك دلنى واحنا فى ذل التركمان والانجليز واللى حكم من بعدهم

شاب

ممدود لسلسال زيهم خالى الضمير

فتاة

من عند فرعون الكبير ولحد اخر عسكرى

شاب

واقفين وبالكرباج وعروا ف ظهرها ، وبطنها على الارض فرشت علقوها فى المشانق
رجل

لسه الولد مصلوب فى سجن القلعة بيخلعوا ضحكته من تحت تحت الجلد

فتاة

بس التاريخ مشطوب والطبلخانة مرصوصين عشرات

شاب

من عند شيخ العرب لحد شيخ منسر

فتاة

واقفة بتتكسر على ايد الانكشارية

فتاة

زراعين عمرك وجع وانتى يا ساحرة يا طيبة

شاب

بتموتى الف مرة والآه بتمزع القلب العفى

المجموعة

والدلاليات على صدر واحد م الخصايا نيشان

فتاة

جردوكى من هدومك

شاب

تحت نصل السيف

شاب

نفس الآتابك والخيول ومدركات بتدوس فى عزم اللى ابتدا يعشق نهار

فتاة

كذبم علينا وطلقوا الكلاب تنهش فى عرضك ع الطريق

مطرب

يغنى يا بت ياللى العسكرى شلح هدومك

وفك كبش السننتيان

انتى خايفة الناس تلومك

الناس دى غابت من زمان

انا عايز اقولك م الوجة كلمة

ان العساكر دمروا فيكى الامان

" يتم عمل تشكيل متوائم مع الاغنية والغرض من التشكيل هو سحل احد شباب المجموعة ومع نهاية التشكيل يدخل شايبين ويحرون شاب سحولا على وجهه وشاب اخر يقول " هس هس الشاب

مهما انسحل بأموت فى عشقك والاله وصانى افرد ندهتى والم ندهة عزتك تاج فوق جبيني لوقطعوا فيا جزل ومزعوا منى الضوافر طول عمرى كافر بالعبيد

رجل ١

هنكسر اديك وهنفخت عنيك

الشاب

الشاب السلطة

وان كسروا فيا الدراع القلب صحى ما انقلب
" يقترب منه " انت البطل ، مليون برافو والف مبروك ع العذاب

رجل ٢

روح يا ابنى شوف ضلالية شارده تسترك

رجل ٢

او غيمة باردة تنطر الرزق الكثير

فتاة

دخلوهم فى الصف دا شيخ طريقة شد واركب

شاب

والثانى عنكب

فتاة

عنكب ماجاش واهو راح بلاش

شاب

شى الله يا ست يا منجدة احنا الرجال زى الحريم

رجل

وانتى اللى طاهرة وساجدة

فتاة

واحنا الصرم ، حصرم ودابيرين فى الموالد

شاب

والكل متبلد وفارد ضلنتك يا حصيرة واسعه

رجل

والقنال قبر كبير احفروا يا عبيد وموتوا

فتاة

والشمعدان وسط القصور منقاد بدم الخلق

شاب

يطرح فى الغوازى

فتاة

الكل غازى ومخزى من عين الكرامة

شاب

والغزيرة بتفرق بخور ع الشباب والخيل ما هوش لاقى الفوارس

فتاة

والغزيرة بتحط فى المنديل نقوط عنكبوت

شاب

شاب

مغزول والنقط فوق كف الوسية تفرفر العشاق " حالة تشخيص "

(يتقدم) لما دريت باللى حصل عقلى تاه ايه الحكاية ؟

فتاة

كان مفكر انى ورث سايبو ابوه ، قلبى انطفى م الخوف عليك

شاب

حيث بقى انا دى حامى عمرى ما ارضى ان الحرامى يخطفك او ايد تمسك ، او حتى نظرة تفتش

اللولى ف عنيكى

المجموعة

هان عليكى تصرخى !!

فتاة

صرختى دمها محروق وهى طالعه منى بالوجع لما كان كلب السرايا بينهش الاعراض

شاب

طب خايفة ليه ؟ مادمتى قادرة ع الوقوف

المجموعة

طب خايفة ليه مادمتى قادرة ع الوقوف

شاب

وتجرى من خوفك فى فجر خايفة ليه ؟

المجموعة

خاففة لفة ؟

فتاة

ما انتى انطقتى بالصبايا خاففه لفة ؟

المجموعة

خاففة لفة

الفتاة

ازيس ولمت لحم حورس م السكك ، اتغربت يا ما واتعذبت ياما وهى صابرة ع العذاب

المجموعة

ازوريس بيسقى الارض من دمه يروح عنها العطش

الفتاة

ياسين و بيفجر عيون

المجموعة

مجنون وسابك فى الخلا

الفتاة

راجل و حافظ ع الشرف

شاب السلطة

ياتك القرف ودى سيرة بتفتحيها

شاب

فى عصر باشا الانفتاح

فتاة

ناس تتاجر بالبدن وهمه كانوا بيحلفوا يصونوا الشرف

شاب

سرقوا العفاف

الفتاة

مش غلظتى ولا غلظة الوطن الفقير

المجموعة

آمال دا مين اللى انكسر قلبك عليه

شاب

المجموعة

ليه ساكتة لفة ؟

ليه ساكتة ليه ؟ قومي انطقي

شاب

سابك عيونك ملحت

فتاة

و الشق عامل جوه منى جيوب

رجل

غيطان شراقي

الفتاة

مكتوب ...

المجموعة

مكتوب

الفتاة

مكتوب يقطع فى البدن و يوزعه على كل شبر فى عمركم و يبيع فى عمرى و يرهنوا للأجنبي

شاب

و أنتى قاعدة بتحلبى عمرك على الساقية

المجموعة

فى شرع مين تبقى الضحية و الحكم ؟! فى شرع مين

الفتاة

توت المزارع كان بيقتفم السما عقد الحلاوة و ينقعه و الضى راكب فوق جناح الخيل فى ارض

الشمس تشرق فى المسا لوز الذهب ، و الحلم يطلع و الصبايا فرحانين .. قولوا مين سباها و هدها .

المجموعة

جركس خسيس

شاب

لا أنكشاري

الفتاة

و الواد عريس طالع مع النور احرار بتغزل فى السطوح هوجه و الموجه تسحب فى النزيف

المجموعة

أدهم

الفتاة

عراي

المجموعة

وفضلتى عايشة فى الوجد

الفتاة

عند الخديوى وجرجرونى لمتعته

المجموعة

و لفرجته

شاب

ورضيته تانى بذلنا

المجموعة

قول دفننا وسط الهدوم

الفتاة

أنا ... أنا و اتغصبت على الخضوع هو رفض

المجموعة

هو ورفض

الفتاة

الدم فى عروقة انتفض لى النداء ، و لحقنى يومها بهدمتى متمرطمه تحت الجزم اللى انجليزى
وجركسى أو حتى تركى و كثير كثير ما عرفتهم .. قام هز سيفه و صحبته كانت معاه .

المجموعة

طوق النجاه

الفتاة

احمد عرابي ... للحياه قام شدنى و نديم و سط الفلاحين بيقول غُناه
الأغنية :

ياعزيز يا عزيز كُبة تاخذ الأنجليز
يا عزيز الواد مسجون قلبه العاشق كله جنون
و أنت لوحدهك حاجة تغيظ . يا عزيز يا عزيز كُبه تاخذ الأنجليز
يا عزيز و سكنت سرايا ، كل الليل و سكن جوايا
دبحو الصبح ما عدش عزيز يا عزيز يا عزيز كُبه تاخذ الأنجليز
دور يا نديم و أتخفى و بان أطلع قول للأمريكان ،
صحى جمال الدين و عرابي ، يقولوا بلاش شغل التبويظ ،
يا عزيز يا عزيز كُبة تاخذ الأنجليز .

شاب

حيط البراق إنهدم و الشمعدان منصوب

فتاة

قائد فى نار المعركة جنبك

المجموعة

ميت الف ندهه وندده ع الولد ضايح

شاب

ما أنتيش بريئة

شاب

السكر فيكي الحقيقة

فتاة

مجنون و عنكي خمرة

شاب

شارب ذل المؤامرة

المجموعة

أسمر و عشق فى سمره

الشاب

ووحدى نازل صريخ .

فتاة

ووحده نازل صريخ .

شاب

على قد حسنك ملاوعة ولا كنتى ابدأ مطاوعة نار الحريق منى طالعة بتحرق التواريخ

المجموعة

بتلعن التواريخ ... بتلعن التواريخ

شاب

حمام و حمام ع البرج

فتاة

صياد و نشه طلقة

فتاة

و نعيمة قاعدة تغسل فى توبها م الهموم

شاب

ينكسر قلب الصبية و جرن قمح يقيد حريق

المجموعة

نار بتحرق يا وطن صحصح و فوق يا وطن ((تشخيص حالة جيدة))

رجل

قتلوا مراتي وحرقوا القمح

المجموعة

حرقوا القمح

رجل

أصل الواحد منا فى نظر الباشا بح

المجموعة

بح

رجل

أى والله كده يا أخوانا ، و احنا بنروى حكاوى اهلينا وسط الجرن ، جم لبلدنا شوية عسكر .

شاب

شاب

أحمر

أزرق

رجل

و إشى بشورت و منظر يرعب طخوا حمام الشيخ منصور

المجموعة

حمام الشيخ منصور

شاب

راجل طيب فى القبالة ينام فى الضله

فتاة

و العسكرى بيصيد فى الناس

شاب

لما رُصا صُة كذب منه

فتاة

ولع جرن القمح وبنت حسين ماتت فى ساعتها

المجموعة

ويه نعيمة

رجل

قام زهران وشوية حبايبة جريوا وراهم

فتاة

دوكلهم شافوا حريق الجرن و مسكوا السكة

شاب

وشمس المولى ردت تارنا منهم واحد طب ومات

المجموعة

طب ومات

رجل

حط سكات ، وجماعة جريم ع الولعة طفوا الجرن و فضلت فينا جروح مابتشفى دفنا القتلة

المجموعة

دفنتوا القتلة !!

شاب

ساعة وقامت فينا قيامه

المجموعة

عسكر لمت ست وراجل حاكمت حكمت

رجل

جه سى الباشا بطرس غالى ودور شناق ، و بيتصور أنه غلبنا بحكمه الظالم

فتاة

لا يا أخوانا إحنا ضحية لضعف القصر وخوف مسجون

المجموعة

خوف مسجون

رجل

وتمن و السن لأجل ما يخرده

المجموعة

ياخذ ايه ؟

شاب

ياخذ سلطه

المجموعة

طبعا طبعا يبقى وزير

فتاة

جلدوا فى جدى مات م الحسره

شاب

و شنفقوا فى عمى و ضلموا غيطى

فتاة

مصطفى كامل لم الطعنه و فضل ينزف دم زهران الشهيد

شاب

و كرومر الأنكشارى يتنسخ منه إنكشارى و الطريق مرسوم بدمك

المجموعة

قول يا كامل ع الطريق .. الطريق مرسوم بدمك

فتاة

الريق حريق مين هينجا و مين غريق

فتاة

الى منا يشوف وجعها يشرب الدم الى نازل

شاب

قوم يا سعد الحرب قامت

المجموعة

قوم يا سعد الحرب قامت ، لم فى الوطن الشهيد

(تغنى) بلدى يا بلدى و أنا بدى أروح بلدى

بلدى يا بلدى بلد الأحرار يا بلدى

يا عزيز عيني و السلطة خدت ولدى

شاب

(فى مظاهرة) لأستقلال التام أو الموت الزوؤام

المجموعة

(تردد خلفه) يا عزيز عيني و السلطة خدت ولدى

فتاة

(فى مظاهرة) الأستقلال التام أو الموت الزوؤام

أغنية

تستاهلى يالى رجالك دولا	،	تستاهلى و المشنقة على خالك
و سلسلوكى بالقيود خلخالك	،	كان الضحية ابن عمى و خالك
تستاهلى يالى رجالك دولا	،	تستاهلى ولا حد عنك دافع
نفوا عرابى و مصطفى قام طالع	،	هو الفقير الى عشانك والع
راحو أنجليز جم أمريكان و باعونا	،	تستاهلى يالى رجالك دولا

شباب

بس صحنينا

فتاة

أنكشارية و هجموا علينا

شباب

طلعت ناس من شق الحيط

فتاة

و ارض الغيط و فلقوا العتمة

مجموعة

هزت عرش الملك السامي

فتاة

قولوا الخسة فاق الوكسة

المجموعة

فاق ع الوكسة

فتاة

و إحنا بنخرج .. و يموت منا شهيد و الثاني ، ألف مظاهرة و ألف حكاية تشق الليل و تقرب فجر .

المجموعة

تشق الليل و تقرب الفجر

رجل

لقينا الناس جايين من غزة تحكى حكاية غريبة حقيقى

فتاة

و من القدس

المجموعة

قول خلصنا

الرجل

يهود فى الجنة

المجموعة

يهود فى الجنة

رجل

جنة بلفور و إحنا فى غفلة

المجموعة

بلفور نيلة اهو كله هباب وعد بيقطع جسم الغالية يا هووه نصين
فتاة

مصر دى روحها فى فلسطين

شاب

من على بك و لحد الباشا اللى خربها ومات ع التل

فتاة

شد الحلم فى سجن القلعه دفنوه فيها الأنكشارية

شاب

يوم ما أجمعوا بأس الفاسد المعلول

المجموعة

السلطان

فتاة

السلطان و خليفة فى لندن فسموا التركة

شاب

وحبه فى حبه لهفوا التركة

المجموعة

و تركه بنتسلم للورثة مين الورثة ؟ !

فتاة

سلمى على أمريكا ، فى الشيكات بيكا الواد زعلان مقطوع نفسه من الدخان

شاب

و التخطيط هيودى لعركة

المجموعة

لعركة لعركة كلنا شركة

شاب

حاسس و الله بجيش مهزوم و ملك خاين و أسلحة فاسدة ودولة بتطلع تركب دولة

المجموعة

كلنا شركة الإنكشارية نصبوا الحركة

فتاة

ودولة بتطلع تركب دوله

شباب

دولة بن جوريون ومائير تضرب ثورة تقطع فيها

المجموعة

إنكشارية وهبت هبه

شباب

لما أتأمم لنا قنالنا بان في ساعتها الهدف الأعمى

المجموعة

و أنتصر شعب النضال لما صمم ع القتال و إنهزم جيش الأعدى

شباب

يومها قلنا نشيد بلادى

فتاة

يومها قلنا نشيد بلادى

المجموعة

(تغنى) و الله زمان يا سلاحى إشتقتلك فى كفاحى

إنهض و قول أنا صاحي يا حرب و الله زمان

فتاة

و فضلت بهية تقدم عيونها حبات جواهر تطفى فى لهيب الوجع تغنى و تحلم بطلقة خلاصها فى يوم

العبور

شباب

و لقيت خلاصها فى يوم العبور

المجموعة

أيوه كان خلاصها فى يوم العبور

شباب

و هلت عليها النسائم ترفرف

فتاة

و تفرش بهية فى توب الفرح و قعدت تعيط

المجموعة

و قعدت تعيط

فتاة

ترشد يا أخينا و خليك لحظة فينا يزول العجب

شاب

قرار كان معادلة يهز الحواري و تخرج فيران الشقوق تملكه

فتاة

و يعوج سيرة

المجموعة

و يعوج سيره

شاب

مصيرة تقرر

مجموعة فتيات

تغنى ... نعلى القدم و نبدي الندم على غلطة كانت في حق الغنم

رجل

تنوه المصاير و تعمى البصاير ولا حد ساير في سكة سلامة

شاب

ضحايا أنفتاحي لحوم الحمير

فتاة

و لحم الكلاب أكلوه الفقير و سادت دقون بفعل السفارة اللي جابت في شيكل في قلب الشيكارة

شاب

و بذرة و كبرت و قلبك تألم

المجموعة

تألم تألم اي نعم

فتاة

عصرم قلبونا بتركه ثانية ملوثة

شاب

و شاخت رموشك م الخوف يا أمي

المجموعة

و هدوا كيانك غريب اسمه طارق

شاب

أفندم طواري جسد مستباح ، وصوت الجراح يمطر سحب

فتاة

و عمرى اللي غاب جوه ألف إعتقال

رجل

وبدا الخراب اللى دمر حياتنا و أمره تعظم

المجموعة

تعظم تعظم

شاب

يا عالم أنا أرفض سييوها تشم النفس من جديد

فتاة

ركعتوا ليهوذا و سونكى تأمرك

شاب

كفاية عليها .. أديها بتنزف ، جمالها تشوه ... انا عايز حد يقولى

شاب

فتاة

يوم شمس عنيتها اما أتحرق و الضى جفاها

كان مين وياها اما اتخنقت واحتاجت دم

المجموعة

الكل أتحزم على بطنه و بدأنا صيام

شاب

الجسم الصاحي صبح دبلان ..

فتاة

المهم تفوق لو فوق جتتنا تقوم

المجموعة

لو فوق جتتنا تقوم قومى إمشى شدى الحيل

فتاة

انا مش فاهمة فسر أكثر

شاب

السلطان مبسوط و مرحرح

المجموعة

السلطان مبسوط و مرحرح

فتاة

مش متزحزح عن عفقتها بأيده و سنانه

شاب

وهى

المجموعة

و هى مكتومة النفس و بتغلى من كتر الوجع

فتاة

و بتغلى من كتر الوجع " تتحول المجموعة الى تماثيل ما عدا الشاب "

الفتاة

" تنظر اليهم و هى فى حيرة " يا جماعة يا جماعة

الشاب

" يخرج من بينهم " يالهُوتى فيه ايه حصل ؟

الفتاة

أتجمدوا ..

الشاب

وماعدش تانى هينطقوا

الفتاة

فقدوا المعانى و الكلام أحنطوا

الشاب

وماعدش شئ هيهزهم .. هما فى طريقهم للفناء أما الجدود عايشين معانا فى وسطنا بس الحجر لكن

الخلود

الفتاة

نفس الحكاية بتترسم لما كان ع الأرض والى

الشاب

و الموالى و الديوان و العساكر الأنكشارية

الفتاة

صاحين حرس نايمين حرس والدنيا بتدق الجرس

الشاب

الممالك و الخليفة الأمريكاني قوة الكون الوحيدة

الفتاة

بوش أميراً للضعاف

الشاب

أو أمير المؤمنين الكارهين لأسم العرب

فتاة

و الكل داير فى الفلك

الشاب

شعب و هلك

الفتاة

البعير هلك

المجموعة

(تغنى) هنا مقص و هنا مقص

هنا عرايس بتترص

و المرصوص دا مهوش محسوس

شانق روحه و منداس دوس

و اللى إنداس محتاج لمقص

احنا عرايس بتترص

(يتوقفون عن الغناء يعودون لحالة الثبات)

الشاب

لما الإراده أترورت ، و صفات كثير أتبذلت ، و الكل بيدجل عليك

الفتاة

لازم تموت .. و الموت موت

الشاب

موت م الضحك و موت م الغيظ ((المجموعة تضحك و تزووم))

الفتاة

موت م القرف اللى عايش فيه ، أو موت حقيقي يخلصك من ذنبها ، و تفك قيدها و تحط قلبك عندها

الشاب

يعنى تنور و تحط قلب الضلمة نور

((المجموعة تحاول أن تعود لحالتها الأولى فتتكسر و تموت))

فتاة

مش تنجلد و يعذبوك و يسلبوك حتى الأمان

شاب

و الوالى مبسوط منها

الفتاة

علشان ماهى مسلمه

مستسلمه مش قادره تنفض حملها ترفع وجعها بزندها و تدور الدفه المصير

طول عمرها هي الحقيقة المرتجاة

هي النجاة
و إيدها مش عايزه الوعود
عايز نفك يوم عن حلمها
كل القيود
تكبر يا شعب و بيطلبوا يستصغرونا
و يللموا قيد الوصاية من علينا
من حق أنهض يا وطن
و أرفع عنيك عند السما
أهتف ونادي ربنا
سا عنتها بس يخلصك
طول ما انت محكوم بالخنا
"تستيقظ المجموعة لتغني أغنية الختام"
دستور يا أخوانا دستور
خلوها تقوم بقي و تثور
عجباكم قاعة في رقدتها
مشدودة و ماشية في ديل حنطور
دستور يا أخوانا دستور
دستور و ما حدش يمنعني
خلوني أقول ع اللي وجعني
و أعلى في صوتي انادي النور
أنا عمري ما أقبل أعيش طرطور
دستور يا أخوانا دستور
دستور هياخذها للعالي
ما سمعتش حد نادي قبالي
ليه كله بيقول و أنا مالي
ولا قلبه يوم على بلده غيور
خلوها تعيد أمجاد حتور
دستور يا أخوانا دستور
مُتْ لحمد الله احمد أبو سمة